

度

支

奏

議

度支奏目錄

新餉司十三卷

題敘勲戚士紳捐助城守錢糧疏

覆四川省襍項新餉疏

覆議給發川兵月餉疏

覆雄祝暫增濟贛疏

覆召買預儲糧料供應疏

預徵四年加派三分疏

條議稽兵核餉三款疏

題催楚蜀二餉并南部事例捐助優免疏

查覆入援邊腹軍士布花規則疏

題請酌定薊永兵餉經制疏

題議關永薊密預買草束疏

覆兵部議關寧贖銀買馬疏

題議邊鎮造報餉冊規則疏

初覆加派事宜疏

題催省直正襍新餉銀兩疏

題借輕賚漕折銀兩疏

覆議閩省援兵餉額疏

覆遼左皮襖銀兩分認疏

覆登兵月餉增額疏

題請註銷天津刼餉前件疏

初覆加派事宜疏

度支奏議卷之十三

太子太保戶部尚書潘青畢自嚴視草

題敘勲戚士紳捐助城守錢糧疏

題爲

奏繳城守錢糧以便綜覈事專理新餉山東清吏
司案呈崇禎三年八月初七日奉本部送戶科
抄出總督京營戎政少傅襄城伯等官李守鐫
等題前事等因本年八月初五日奉

聖旨這奏繳城守錢糧數目知道了餘銀畱貯京營

作正支銷其捐助獨多併急公首倡的着該部酌
敘欽此欽遵抄出到部送司具覆間續奉本部送
准襄城伯李守鏞移送單開駙馬冉典讓捐銀
城賞銀一萬兩屯田御史李玄捐銀三千五百
二十八兩五府成國公朱純臣等七十八員共
捐銀一千七百兩

皇親武清侯李誠銘捐銀一千兩太康伯張國紀
捐銀五百兩尚寶司少卿甄淑捐銀五百兩中
書科李宗著等一十九員共捐銀四百兩中書

房盧應時等一十五員共捐銀四百兩行人司
王守履等一十五員共捐銀三百八十兩吏部
候選通判劉永祚捐銀四百兩南城舉人于之
士捐銀十兩西城舉人張鳳翼生員郭永祚王
岳錫周維新四員共捐銀一十六兩南城布商
查永恒捐錢二萬文值銀二十八兩五錢七分
以上共收過銀一萬八千八百六十二兩五錢
七分等因到部送司相應併覆案呈到部該臣
等看得上士篤棊之誼

公爾忘私蓋臣盈在之誠心存報

國憶昨虜薄城下槍攘拮据生民塗於鋒鏑軍旅

困於冰霜

國社震驚

宵旰靡慮在

皇上普

浩蕩洪恩頻發帑藏以鼓敵愾以張撻伐在臣下食

君之食事

君之事有不憂辱相關思以足

國犒軍減此而朝食者哉乃若捐助最多倡義獨
先如駙馬都尉冉興讓御史李玄誠未易多得
者也或以

天潢忠愛或以繡斧靖共凜

國事爲家事雖捐肝瀝膽而不辭痛民艱若已艱
縱纓冠披髮而必救在戚臣冉興讓固身居貴
戚而情聯肺腑在臺臣李玄當人心驚惶爲捐
助首倡似此二臣允宜破格加級以爲憂

國奉公者勸也至於成國公朱純臣等武清侯李

誠銘太康伯張國紀少卿駢淑出積祿以充
罄囊橐而急公其捐助之數俱多而同仇之義
尤篤令無一體加級以示優異中書科李宗著
等中書房盧應時等行人司王守履等候選通
判劉永祚以寒素之末秩殫涓滴之輸將均應
咨會吏部紀錄舉人于之士張鳳翼生員郭永
祚王岳錫周維新以家修之士而懷

國卹之念布商查永恒以市井之人而有慷慨之
風均應給扁以昭激勸就中

予奪可否總出

聖裁而非臣等所擅擬者也既經具題并單會前來
相應覆

請恭候

命下臣部行文吏兵二部酌覆施行

崇禎三年九月初二日具

題本月初五日奉

聖旨前旨捐助獨多急公首倡酌敘如何一槩題
覆還著確議具奏欽此

覆四川省襍項新餉疏

題爲奉

旨叅奏事專理新餉山東清吏司案呈崇禎三年六月十五日奉本部送戶科抄出四川布政使司左布政華敦復奏前事回

奏襍項新餉并起解稅契銀兩緣繇本年六月十二日奉

聖旨這奏報川省襍項銀兩數冊知道了稅契貯司果否盡解該部嚴查具覆欽此欽遵抄出到部送

司具覆聞又奉本部送戶科抄出四川巡撫張
論題爲敬括川省一應錢糧支費之數乞賜

勅部議處事內

奏報川省糧數欸項并議留秦遼二餉緣繇本年
七月十六日奉

聖旨據奏川省糧數欸項前撫尹同臯何以經用有
餘今何以支費不足東事正殷秦遼二餉已有屢
旨卽催徵多欠亦應措處有方豈得以蜀黔善後
吝惜割還該部還與酌議具奏欽此欽遵抄出到

部送司相應併覆案呈到部該臣等看得襍項一項所以濟加派之窮原爲閑寧而設非爲各省借用者也川省糧數額有項欸其間有餘不足惟在該撫曲爲措處多方調劑自不致前後頓殊耳今查川中原該部派衛所屯田銀三萬三千五百四十七兩零平糴倉穀銀九千五百六兩四錢九分房產稅契銀一萬兩抽扣工食銀二萬五千兩典舖銀一萬兩巡按公費三千兩馬夫祇候八千兩優免丁糧五千兩茲八項

者共派銀九萬三千六百餘兩而免

覲路費銀不與焉使盡數扣徵解部於遼餉不無小補不謂有奢酋之變竟爾題充本省兵餉之用所有北解者止稅契一項而已夫此一稅契也部派以一萬計卽該省自認亦四千七百三十餘兩今查徵解者止天啓七年分三千兩崇禎元年分一千七百三十六兩一分差官張汝璠夏禮言於二年八月二十一日解交工部助陵工用訖以額派計之不及十之二三卽貯之司者

起解無遺而州縣之未完者尚過半也其三年
分稅契之解貯司庫者計二千五百四十九兩
四錢零冊開留解秦餉不知襍項遼餉也向爲
本省留用已非本意今奉

旨別還似當遄解濟遼無疑矣矧查會計冊內川省
協濟秦餉十萬四百三十五兩原派地畝之內
則秦餉額有專設何得以餉遼之稅契爲挹此
而注彼也且抽扣工食原議十取其三川省共
該扣民兵衙役工食銀七萬兩該省復以兵餉

不足議扣三分之二共計十萬二千七百六十六
餘兩及查其完欠則二年分僅完三萬三千八百
百餘兩尚不及十扣其三之半而未完者計六
萬八千九百餘兩夫既酌定而派似當按數而
扣何徒有名無實則茲抽扣一項應將部派二
萬五千之遠餉扣解臣部其餘多寡仍聽該省
扣留充餉是兩相成而兩不相妨者也優免一
項歲派五千兩原憑冊籍而定無容躲閃者也
今自天啓二年起至崇禎二年止屈指八載僅

得優免銀五千一百二十餘兩何相去天淵也

近奉

欽依生員優免一槩起徵則較之歲額當不啻十倍
矣俸薪馬夫原派八千冊開七千八百兩所差
無幾姑不深求第典鋪之設何處無之卽舖面
多寡之不一資本豐嗇之難齊然未有通省所
屬而云絕然無者此不惟臣部所不解恐亦盡
人所不信也今安奢就撫黔局已平該省加派
一十二萬一千三百餘兩還臣部之固有無容

再爲築舍之議况屢奉

明旨限以年終解部以濟急需否則該撫按自行回
奏臣部必不敢少爲寬假者矣其襍項姑將三年
銀兩暫准該省全留以資善後之用自四年爲
始均當照數解還又秦餉歸秦業經會議奉有
欽依似難復行更張者也旣經奏題前來相應覆

請恭候

命下臣部移文該省督撫并藩司遵奉施行

崇禎三年九月初三日具

題本月初六日奉

聖旨四川襍項加派原爲遼餉而設前因黔事暫留
今撫局將結自應扣還其加派銀兩限年終解部
以濟急需三年襍項銀兩准留該省用資善後自
四年爲始悉照原數起解不許藉口民欠朝廷徒
受搜括之名反爲墨吏猾胥侵漁窟穴如仍前拖
延撫按不查明司府州縣叅奏者該部科特糾處
治秦餉歸秦遵屢旨行欽此

覆議給發川兵月餉疏

題爲川兵望

恩心切微臣之倣例乞餉萬不容已懇祈

聖明垂念川兵遠征准賜照例議餉以廣

皇仁事專理新餉山東清吏司案呈崇禎三年八月

二十四日奉本部送戶科抄出順天巡撫劉可

訓題前事等因本年八月二十日奉

聖旨川兵月餉已有旨着照舊支領了據此奉舊係

川中額例今與遵化兵同城而守其餉獨薄情何

能平撫臣旣爲補牘該部再加酌議具覆欽此欽
遵抄出到部送司相應議覆案呈到部該臣等
看得川兵數千里遠戍其靡室靡家之苦裏倍
於他鎮且日者恢復永城其直前勇往之銳氣
亦獨先於各兵卽出厚餉以養此健兒似不爲
過先是撫臣有額外之請而臣部不允者蓋以
此端一開無論各處劬尤人人起隴蜀之思抑
且日後行月二餉勢必求備於臣部所以前緣
却顧不敢曲徇而輕許也今撫臣念食餉之不

齊思彼此之一視諄諄焉援密鎮五分之例爲
請誠可謂曲體軍情而非得已者矣合應如議允行
卽於續解川餉內逐月支發萬一不敷臣部通
融接濟俟後照數補還第該省亦當預爲措解
源源而來毋曰有內部之應急而姑泄泄從事
致誤軍儲此又不得不蚤爲申明者也旣經具
題前來相應覆

請恭候

命下臣部移文各該巡撫遵奉施行

崇禎三年九初三日具

題本月初六日奉

聖旨川兵月餉依議卽將該省續解餉銀照密鎮例
給發他軍不得援比欽此

覆雄稅暫增濟贛疏

題爲南雄商困贛餉難承謹瀝陳地方情實仰祈
聖鑒事專理新餉山東清吏司案呈崇禎三年八月初一日奉本部送戶科抄出兩廣總督王尊德題前事等因本年七月二十七日奉

聖旨該部酌議具覆欽此又該廣東巡按御史高欽舜題同前事八月二十一日奉

聖旨已有旨了該部知道欽此欽遵通抄到部送司相應議覆案呈到部該臣等看得贛鎮設新兵

以禦流寇其安家行糧原非額定之餉案查崇禎二年六月內先該臣部覆贛撫劉澤深寇變時發疏議將贛鎮商稅銀一萬兩上杭河稅八千兩姑准暫留一年以餉新兵崇禎三年仍行解部以充遼餉倘一時寇葉未盡芟除健兒遠難解散卽於解部一萬八千兩外量增五六千兩以餉贛兵至於南雄太平橋稅除捐充舊餉一萬兩外尚可再爲加增四千兩以佐贛餉之不足業奉

俞旨遵行在案此皆額外之設處原不得以章程限也今督臣王尊德以各商稱困憊請議免派欲贛撫另行措處臣等轉輾斟酌贛之流寇終無盤踞不散之理銷兵定自有期卽從來贛兵不食雄稅而額外暫增四千兩以濟隣封亦一時之權宜而同仇之義所不容已也其贛稅原額一萬八千兩照舊解部克遼餉不得復議增減庶贛餉與遼餉均資在商不稱厲在粵亦無損矣旣經會題前來相應覆

請恭候

命下臣部行文該督撫遵奉施行

崇禎三年九月初五日具

題本月初八日奉

聖旨雄稅暫增濟贛依議不必遽免其贛稅濟遼解
部着照舊行欽此

覆召買預儲糧料供應疏

題爲諸鎮索餉日夥津門供應已窮乞

勅戶部酌議預儲以便接濟事專理新餉山東清吏
司案呈崇禎三年八月十四日奉本部送戶科
抄出天津督餉部院翟鳳翀題前事等因本年
八月十一日奉

聖旨各鎮請餉日多轉輸動稱不繼這所奏截漕名
買斟酌接濟併搭支預運事宜著該部詳議確便
具奏欽此又該督餉御史沈猶龍題同前事八月

十五日奉

聖旨已有旨了該部知道欽此欽遵通抄到部又准
薊遼總督張鳳翼咨據薊州管糧主事蔣範化
呈爲亟請預儲本色以備軍需事內稱薊鎮邊
倉各備米豆草束坐給主客軍兵其米豆取給
於屯糧而草束未改官折之先出自各商買備
至於山東額解漕米運貯薊倉專供馬蘭一路
薊州等十衛所官軍之需皆無一可虧欠者近
自逆奴焚掠之餘四野蕭條極目荒烟二年屯

糧見在停徵而山東漕米雖已抵鎮又以沿邊
一帶待需孔亟不得不挹彼注此用濟急需無
復可留薊倉用者是年例本色已毫無停蓄矣
卽協濟津米派有八萬餘石而援兵班軍與前
項主客軍兵每日支用約以千石計亦未足三
月之需見今隨運隨放尚虞未敷又何能留爲
後日地雖班軍例有停工之日而援兵尚無撤
放之期兼以營路官軍五月至十二月上半月
俱支本色種種所需將何恃而無恐此在平居

無事之日已當預爲措處况今封疆初復慮必
綢繆可不蚤爲儲待乎哉蒯倉實水陸總會之
區務期廣爲設備以資灌輸急宜積米十萬石
料豆五萬石其次遵化永盈倉急宜積米四萬
石豆二萬石又其次三屯倉亦應積米二萬石
豆一萬石其餘各邊倉或積萬石五六千石二
三千石不等酌量倉口衝緩分別需用多寡總
計用米二十萬石豆十萬石而草束亦須積三
百餘萬其糧米宜乘漕艘方至作速津截搬運

料豆草束宜蚤派州縣協濟或趁秋成價平之日多發銀兩相機召買以備緩急等因具呈總督部院咨會到部又據永平兵備道張春呈爲亟請糧料事內稱永平駐防兵馬每月行糧米用七千九百餘石五六月八月共該米三萬一千六百餘石除節次截留并薊州運送接濟等項共運到一萬一千二百餘石尚欠不敷支應米二萬三百三十餘石料豆月用六千八百餘石五六月八月共該豆二萬七千二百餘石除

節次截留并薊州等處運送接濟等項共運到
豆二萬四千五百餘石尚欠不敷支應豆二千
六百九十餘石今邊報甚急萬一變出不測有
不忍言旣需重兵守禦必需本色養贍若不亟
爲懇請恐有兵無食本道亦無如之何矣呈乞
本部俯念時勢急迫永城虛耗立賜本色以濟
時艱等因具呈到部通送到司除漕糧屢經截
留近又題

准截留十萬石不便再請召買草束另疏題覆外所

有名買米豆并搭放預運事宜相應酌議具奏
案呈到部該臣等看得薊城當水陸總會東臨
遵陽遙控三屯兵力固宜厚集儲蓄尤宜預備
沿邊各倉酌量衝緩分別積貯誠勢所不容已
者餉司議時米二十萬石豆十萬石草三百萬
束亦屬綢繆至計第臣部自軍興以來供億殷
繁卽應發月餉尚朝不謀夕如許多糧皆屬額
外安能一一取盈咄嗟立辦乎今查薊屬主客
兵馬本色自應該鎮餉司詳計時估酌用舊餉

招集販商隨買隨收嚴加查核釐拖欠之端而
清虛冒之弊此自該司責任無容他談至於糧
米實係續命之膏但屢經截留似難多得而糧
兵撤防猶尚未有期也臣查上年派買預計關
門料豆霸屬該六萬石容屬該二萬石今歲關
門預計近議改派別府其薊門供應米豆宜著
令二道屬州縣照預計例乘此秋熟設法名數
且軍興孔棘亦難拘於舊額今議密雲道屬運
米八千石豆二萬二千石霸州道屬買米一萬

二千石豆四萬八千石如料豆不足卽募糧亦可買運以供援兵之用仍令該道酌量州縣肥瘠遠近以爲分派多寡之數一面速報時估二面領銀召買臣部酌定期督運交收有不如期者據實叅處萬難寬假以緩軍儲者也再照永鎮主客兵馬其本色糧料向取給於所屬民糧屯糧今以殘破之故錢糧蠲免則主客之兵與防守之兵悉待哺轉輸矣查該鎮例有開門預計召買除盧龍灤州遷安新羅虜患不派外

其撫寧昌黎樂亭三縣當萬寶之告成物力未
必盡詘合照預計之例共買米一萬石豆三萬
石責令該道督責三縣派買定限十月內全完
毋誤軍需者也惟是霸密二屬年來竭蹶供億
不遺餘力永城初復供億尚艱今欲責以召買
若不給發現價又恐無米難炊反致遲延茲擬
發霸州道銀一萬四千兩密雲道銀六千兩永
平道銀一萬兩分發州縣照依時估收買無得
高擡價值其不敷者另查州縣原設起解錢糧

抵充冊報筭銷毋致稽延誤事是在道臣加之意耳至於島餉當於登萊附近州縣應運四年分額餉就便派徵及時飛輓已有成議其關餉歲有定額念轉運之難而本折搭放亦權宜之一法也若關鮮明年糧料督餉二臣已有預計專疏臣部當遵

旨詳議另行具覆既經會題并咨呈前來相應覆請恭候

命下臣部移文各該衙門遵奉施行

崇禎三年九月初六日具

題本月初八日奉

聖旨這發銀霸密二屬昌黎等縣召買米豆佐以起
解錢糧知道了地方新經殘擾該道須嚴諭各有
司體恤民艱時佑平買毋得委任奸胥開報需索
下窮物力上冒官儲有不遵的撫按官指實叅來
官吏俱重處不宥局餉近地派發閑餉本折搭支
既經酌便依議行欽此

預徵四年加派三分疏

題爲軍興費夥遼餉難支懇乞

聖明勅令省直照例預徵先期速解以濟緊急軍需
事專理新餉山東清吏司案呈查得遼餉舊例
每年必於十月內題將次年新餉預徵三分以
爲春月之用今自奴警以來本折發若流水庫
藏窘如懸罄若不預徵新餉接濟則冬春之交
餉必中斷况當入

覲之年正官亟欲謝事署印易於推諉合應題

請先期預徵等因案呈到部該臣等看得省直遼餉原爲開門續命之丹當居恒時尚苦不足每年必定立限期預徵三分以圖接濟而今何時哉自京以東無處不有援兵自關以西無處不募新兵本折之費日計數萬饋餉之繁已增數倍此皆出於額外而無預辦者也去歲之額入盡耗今歲之額入無遺卽省直見年之欠亦屬有限而各鎮之需月餉索行糧者且嗷嗷待哺浸無涯臣恐有缺難以點金量沙不足果腹

岌岌乎有不繼之憂矣况冬春之交正胡虜窺伺之時而遼餉在今真救焚拯溺之需今欲別行搜括則地方秦越相視而括無可括欲稍爲節省則悍卒囂譁易生而節無可節是不得不以額內之餉預徵三分以爲剋肉醫瘡之舉矣况預徵三分又有節年之成例在而民不稱厲者也及查預徵往例向係十月具題春月始解今軍興餉亟已屬朝不待久之時虞廷考績又爲九州入

覲之候彼署篆者視同傳舍誰肯實心料理似不得
不先期早徵借以救燎眉之急也合將崇禎四
年加派地畝銀兩以文到日爲始勸民輸納預
徵十分之三乘各州縣正官未離地方作速催
徵查山東河南山西浙直陝西等處入

覲各官每以十一月離任此時正可預徵他如閩粵
等處每至三年八月十月卽徵四年之糧一經
開比三分可以立完惟恐那移頂解別項問之
則云見在起解此從來風弊也合令州縣正官

徵完帶解入

覲如留不入

覲者聽委別官附解夫正官原有催科之責一日未
離地方則一日之擔負難弛勒令徵足而後啓

行則

天庭高呼之日卽各官省成之時自無不盡之心一
便也以正官催比則黎庶愛如父母胥吏憚若
神明無拖延隱蔽之弊二便也正官入

覲自有隨從之役脚力之費卽令帶解交納則無驛

騷之擾三便也入

覲之官例於歲裡到京預徵之銀亦得如期解到能
濟師中之急四便也有此四便而預徵三分斷
宜行於未

覲之先矣州縣仍將解過銀數冊報藩司藩司轉報
臣部臣部卽以預徵之完欠起解之先後定各
官之殿最倘能先期解到自當破格優叙如
緩愆期則罰治無赦至於徵收次第惟在有司
調停斟酌鼓舞官室富民少寬窮乏在官室原

受祿養之恩自宜首倡急公在富民原有積蓄
之素似亦力所易辦通融計算務足三分其零
星小戶稍緩催科照常開徵則窮簷盡沐

覆幬之仁而民不稱勵矣此外尤宜嚴禁火耗盡革
秤頭令小民自封自兌凡京邊及存留錢糧應
當年開徵者俱不許借名濶徵以重閭閻之困
撫按亟爲曉諭申飭則終事之義人有同心其
有不如期輸納者鮮矣恭候

命下臣部行文各該撫按轉行司府州縣遵奉施行

崇禎三年九月初六日具

題本月初八日奉

聖旨遼餉預征三分原屬舊例依議着覲官早徵帶
進其不入覲的撫按委解不許遲至歲外仍摠行
開冊報部以憑考核餉額素定卽三分亦易樂輸
但須有司潔已恤民悉心調劑如或借名混徵多
收耗羨者撫按官查叅重治該部速行嚴飭欽此

條議稽兵核餉三款疏

題爲遵

旨回奏事專理新舊二餉司案呈崇禎三年九月初
三日奉本部送戶科抄出本部題前事等因奉
年九月初二日奉

聖旨據奏前疏錯誤緣繇及今簡明收除數目知道
了但該部持籌在經制得宜樽節有法豈僅隨入
隨出便是了事畢竟各鎮兵馬作何稽查餉司積
弊作何釐剔舊餉壓欠作何調劑還邊屢旨從長

商榷條議規則來看欽此又該本部題爲遵

旨確查具奏事本年九月初二日奉

聖旨提奏舊餉收發見在款數知道了內有借支抵
還一項那移出納便灣混雜且有發數而無核冊
豈無虛冒該部還設法詳稽條列規則來行欽此
欽遵抄出到部送司相應議覆業呈到部該臣
等看得寓內財賦新餉舊餉幾以百千萬計且
灌輸於九邊然隨入隨出猶如逝波而置竭之
憂了不可支也夫出入無度則費於何經盡繁

不清則節於何施我

上慮周九邊洞見萬里爲拔本塞源之計圖經久
可繼之策諄復

詰問

聖謨弘遠如曰各鎮兵馬作何稽查餉司積弊作何
釐剔舊餉壓欠作何調劑又曰有發數而無核
冊豈無虛冒蓋已直揭大綱示之指南矣如曰
還遵屢旨從長商確條議規則來看又曰該部
還設法條列規則來行是知

聖懷冲虛不容緘默矣臣部敢不竭臆殫慮以副
明問一曰各鎮兵馬作何稽查夫各鎮有主兵客兵
新兵舊兵之不同在關寧有馬兵步兵之不同
卽在食餉亦有京運民運新餉舊餉本色折色
之不同然而各有營制各有定額假令撫鎮司
道果肯實心稽查何難立辦而無奈各鎮之不
肯奉行也逃亡事故率皆隱匿而不報薪水襍
流多坐空役以自肥卽列冊上之花名豈盡荷
戈之健兒且候無而候有候減而候增者不盡

無也今議九邊各鎮俱令督撫委官點查比照
開寧規則造立簡明經制清冊備開本鎮兵馬
錢糧確數要見原額主客兵馬若干今實在主
客兵馬若干每月每名該餉若干通共若干某
日加到兵馬若干增餉若干準應支之數以爲
應發之數務令計兵而給餉亦可按餉以核兵
矣至如赴援兵馬之在各鎮者仍另造一清冊
附於各鎮之後支鹽菜者不得兼支月餉如匿
而不報者罪在鎮將報而不清者罪在司道督

撫近者限九月以內遠者限十月以內俱全
按照式具奏

勅下臣部存案磨對開銷必不得仍前混淆者也一
曰餉司積弊作何釐剔餉司爲錢穀出入之關
操緩急盈縮之柄弊實所叢委難枚舉如發餉
短少則爲扣尅之弊找支透領則爲那移之弊
今後各營領餉責成該道掛號如有逃兵倒馬
應扣除還官者該道明註文冊扣存在庫不許
朦朧支領而餉司支放卽以道號先後爲次序

不許稽遲混冒其支出餉銀悉聽督撫衙門不時抽驗如有短少徑將餉司叅究仍候復

命年終品題臧否上

聞其餉司書胥有作奸舞文需索常例者聽巡按巡關御史不時訪拿以懲奸宄若夫每月支餉奉有按月一報之

旨又奉有發數而撫核冊豈無虛冒之

旨合無於關寧薊永密雲宣大諸鎮之大而且近者

勒令餉司一月一

奏報於昌易通津山西延寧甘肅東江之小而
遠者勒令餉司一季一

奏報逐一照式開列明白進呈

御覽卽鹽屯民運錢糧俱附屬其中方爲完局仍轉
報撫院覆覈會同總督具題

下部磨勘具覆方准開銷斯亦可以清虛帑而釐積
弊矣一曰舊餉壓欠作何調劑夫舊餉之壓欠
也所從來久矣非一日之積也查京運在天啓
七年以前多停滯不發而民運逋欠地方官未

必加意督催歲入不登便同盡餅於是各鎮壓
欠不等卽一鎮之中而各營壓欠亦不等有壓
欠遠至二三年者亦有近止數月者又有營求
預支遠近頓易者夫支餉在二三年之前則遇
亡事故者多而更替者固不少矣是支餉非着
伍之人而着伍者反不得支餉也縱令每月發
餉不缺而終以累年缺餉累月缺餉爲口實今
欲截舊給新而彼又以苦過月日無端見奪爲
口實今須移文督撫餉司查明各鎮各營壓支

月分明立文案

奏報稽查而定爲通融補給之法俱以本年九月
爲主要見某管支至某月以後挨順支給每月
止支一月不得比例取齊不得隱瞞躲閃其通
欠在一年之外者除月支外每兩季多發一月
計一年補發二月通欠在一年之內者除月支
外每一年補發一月則各軍固易見德而於餉
亦爲可繼蓋近給京運頗無愆期而民運拖欠
亦當嚴立考成之法加以督撫道鎮一意清查

節曠則此補發二月一月之餉不必另議湊辦而自充然有餘裕矣若各營軍丁或有情願多支壓欠一兩月卽行截住改爲現支正餉者亦聽其便臣昔備兵洮岷亦曾行之寂然無譁但須先令將領曉諭通知取各隊伍連名甘結又須餉司京民二運稍有贏餘預辦此二三月之餉而後可源源接濟若不能行則不如其已也是又一策也此後立之程限不容踰越無復先後差等之殊則漸復按月之支永免庚癸之呼

矣至於關寧從來以下月而領上月原無壓欠
今以軍興亦欠兩月仍行該鎮餉司如有借過
庫銀不妨從容補償其實欠在兵而未與者不
拘還官缺月銀兩俱可通融前後補算斯臣區
區愚昧所爲調劑壓欠者也以上三款管制定
而冒濫塞出納清而蠹蝕祛積欠消而涵濡杜
此經制之大法樽節之大要而臣所竊願者上
而督撫同心合志下而司道洗腸滌胃設誠而
力行之省

朝廷多少金錢免臣部多少拮据倘猶然而以套習
相視也惟有執白簡以繩其後已耳必不耳蹈
斧鉞之誅矣如果臣言不謬伏乞

勅下督撫餉司諸臣一體遵奉規則按期

奏報施行

崇禎三年九月初七日具

題本月十二日奉

聖旨這條議三款具見經畫鑿鑿可行今後兵馬無
確數責在該督撫鎮掛號不清收支不核積弊不

釐責在各道餉司司道貪玩不奏聞衙蠹窟穴不
訪拏責在撫按其調劑壓欠尤在嚴民運之考成
查節曠之混冒務使補舊支新通融有法撫按司
道協心共事何患不濟朕方分任部科正欲卿專
精殫慮總掣綱領便着實飭行毋託空言欽此

題催楚蜀二餉并南部事例捐助優免疏

題爲虜患方殷財匱可虞乞

勅廷臣從長集議蚤爲設處以勿誤軍興事專理新
餉山東清吏司案呈崇禎三年八月二十五日
奉本部送戶科抄出本部題前事本年八月二
十三日奉

聖旨邇雖軍興溢額催來逋賦可抵有無贏餘該部
先行查奏至各鎮主客兵餉出入不符那欠非恣
何妨會議但須講求開節大計不得搜括煩苛徒

滋論議欽此欽遵抄出到部送司除講求開節大計俟集廷臣會議另請

聖裁外所有補湊目前有無贏餘合先具題案呈到部該臣等看得加派新餉出入相準曾經題有定額通行頒布自奴窺遵永而軍興浩費倍於正餉急京薊不得不少緩開寧者勢也今奴又虎視寧錦是開寧又與薊門並急矣邇者新餉之舊欠新徵爲數雖曰近夥仰伏

皇上之威靈京卿撫按之催督外解似覺續至經費

亦已無餘臣打筭一歲之額與元二年逋欠之數除各省直解到并開銷米價等項外其未到部者止共約該銀二百四十五萬六千八百七十餘兩而臣部之應發各鎮月餉運價等項尚約該銀一百八十六萬二千六百三十餘兩援兵團練秋防未有撤期各邊又復繼至種種意外之費約計所當儲待尚得八十餘萬按入以制出而出孔浮於入即使元二三年之舊欠新徵盡數起解臣部猶岌岌焉慮東西不能以兩

顧而况積疲之加派舊欠之襍項不能一一全
完者乎似此積欠之通負難抵溢額之軍興卽
欲執以相抵而涸轍之鮒恐西江未易俟也我
皇上爲度支慮長久而欲以有餘待不足俾帑藏充
然無虞非別有區處萬萬不可然須叅以輿論
出自

聖裁臣不敢以臆對但爲目前救急之着亦須大加
講求其新餉加派襍項二種省直未完具有細
數責在撫按年終考成此不煩再計矣此外則

有臣部前議搜括楚蜀捐助事例優免數項今
請再爲補贖仰藉

明旨一爲督責夫楚餉之三十七萬八千蜀餉之一
十二萬一千三百四十餘兩屢奉歸還之

旨乃該省尚有藉口於善後當畱黔急先解者徒滋
築舍之謀坐視同室之鬪恐非臣子急公之義
所宜有也轉眼歲暮果可以空言抵塞已乎兩
部事例十萬兩實臣部事例也當多事而久假
不歸借口支用查天啓元二年間遼事初起兩

都各部俱搜括協濟以鉅萬計今楚餉已還而
事例未與損北以益南挹彼而注茲殊臣所未
解矣省直捐助一項出於臣工之同仇加以士
紳之好義不煩追呼用濟軍需省直間有
奏報輸解尚未接踵查昔年

大工捐助司府州縣各有成額文案具可稽查今何
以逗遛而不前也夫醜虜跳梁直逼

都城較之

大工孰緩孰急臣願省直但以昔年

大工捐助之例爲今日之槁樣可也至於寓內生員
急公慕義人有同心扣解優免以自附於捐助
誰曰不然而有司率多置之不問如浙江一省
且藉口於三年並徵生員鼓譟爲言查生員扣
解優免之疏題自今歲之春則亦惟自三年伊
始已耳惟鄉紳及別途優免者從來已久則不
得以積逋冀倖免也比直六府據保定巡撫所
報業有十二萬餘兩卽南北之厚薄異宜丁糧
之優免不一通計寓內可得三五十萬但得提

學督臣一傳諭而即可立辦矣又鄉紳優免解
京一事海內有司原未著實舉行是以生員藉
口觀望今欲徵生員之優免先須清鄉紳之優
免則生員將曰彼爲大寮而居清華者且不敢
吝何有於青衿也伏乞

天語叮嚀嚴限經營承催等官責令年終通完自行
回

奏否則有

皇上之三尺在而非臣等所敢曲徇者也抑臣於新

餉而更有說焉夫奴虜入犯亦百年僅見之變而徵發支用尤額外無筭之需若合新舊二餉之逋欠而統供軍興或可寬然有餘近因新舊二餉各有專屬軍興陡爾溢額新餉獨力難支是以解之太倉者尚有數萬之積蓄而新庫隨入隨出竊嘆塵封而罄懸正新餉之適值其窮臣部只得於無贏餘之中而強勉支撐誠惴惴焉未卜所終也至於開節大端統候廷臣集議商確長便另行具奏恭候

庚亥奏議

命下臣部通行申飭催督遵奉施行

崇禎三年九月初八日具

題本月十一日奉

聖旨軍興費繁新餉不繼臣子誼當急公楚蜀二餉
屢奉明旨何得藉口善後仍復玩延併南部事例
銀兩及各省直捐助優免等項俱限歲前通完自
行回奏如誤急需叅來重處該科記着其生員優
免扣解定以三年爲始已免過的不許混征更滋
煩擾開節大計該部還從長商議毋得但思移舊

抵新支吾塞責欽此

查覆入援邊腹軍士布花規則疏

題爲天氣漸寒軍士冬衣當備乞

勅該部預爲酌處以慰戍士之心事專理新舊二餉
司案呈崇禎三年九月初二日奉本部送戶科
抄出兵部尚書梁廷棟題前事等因本年八月
二十八日奉

聖旨秋色漸寒這入援各兵無衣可念卽着該督撫
通查實在援軍數目明確具奏以便區處戶部速
爲詳酌預計每兵所需若干待數到卽發其有各

邊鎮軍士彼處應給年例布花的今當作何移會
一併開明來看欽此欽遵抄出到部送司案呈到
部該臣等看得狡奴跳梁援兵入衛業已靡室
靡家不遑啓處矣辰下金風漸肅淒其堪悲我
皇上眷念征夫痛切繇已爰命臣部查各鎮布花則
例蓋不啻春日之暄妍而陽和之普被也查薊
密永昌四鎮舊營各兵布花應於該鎮支領關
寧皮襖一項臣部與工部分認向有舊例無容
再議又薊永通昌津涿等處新兵舊無布花之

例似難創起查入衛之旅有延寧甘固宣大諸
兵卽諸鎮中花布則例亦自不一簡會計錄如
甘肅鎮每軍有給布一疋一丈者有止給布二
丈者綿花俱一斤八兩布一疋折價三錢花一
斤折銀七分如大同鎮每軍布二疋花一斤八
兩每疋折銀二錢五分花折價六分其間仍有
全賞減賞卽一鎮中亦自難齊總以地之險易
爲折之多寡也又查京軍布花則例每軍布二
疋折銀五錢花一斤八兩折銀九分是則視各

鎮布花之例尤爲居其優厚者也近日撫臣
光緒爲楚兵請命奉

旨命借臣部餉銀每軍五錢以爲布花之資一切腹
裏山東河南川浙閩廣雲貴等處援兵跋涉荷
戈一體支給自不煩再計矣挾纊之

恩一溥向隅之泣頓消但前項則例不同而同爲援
兵則又不宜過分差等今或照京軍例一切援
兵統給五錢九分或照楚撫所請各以五錢爲
率不容異同此又出自

聖裁而非臣等所敢擅議者也其支放各鎮布花卽
於年例銀內照數扣除另行移會銷筭其有餘
不足之數再與找補扣抵至於腹裏援兵布花
臣部原無此項銀兩皆用正餉借支仍當移會
各省撫臣照數補還以充軍餉者也除援兵的
數已行各鎮催取外理合具題伏候

命下一體遵奉施行

崇禎三年九月初十日具

題本月十三日奉

聖旨據奏軍士冬衣關寧及四鎮舊營向有成例知道
了邊腹援兵俱著照湖廣援兵例行俟兵數查明
明卽與給散係邊鎮的將年例銀兩扣抵銷筭係
腹裏的該部借給移會各該巡撫照數補還至薊
永等處新兵舊雖無例一體防衛應否異同還再
行詳酌具奏欽此

題請酌定薊永兵餉經制疏

題爲薊永新兵日增食餉頗浮舊額伏乞

勅下速定經制以杜濫觴以裕

國計事專理新餉山東清吏司案呈到部竊照各
鎮兵馬錢糧原有定額著爲經制有日久缺額
者未有因事議增而了無限制者也查得薊鎮
新兵一萬四千五十五員名每歲本折額餉二
十九萬五千一百七十餘兩此崇禎元年十一
月內

奏報之額數也自中協殘破撫臣始有召募添募
之議今已九閱月矣未見督撫

奏報招募新兵若干止據餉司冊報食餉新兵約
有二萬三千是又增一倍矣計額兵一萬食餉
幾二十萬兩似亦未易辦也就中定額若何經
制若何似不可不預爲講求也又據餉司蔣範
化申報薊鎮主客舊兵多未如額如遵化諸兵
凡補伍者比照新兵俱食一兩五錢尤而倣之
恐江河難實漏卮也卽謂舊餉太薄各兵厭棄

不肯應募雖亦人情奢望則然但舊兵舊餉所從來久矣一營加增各營觀望一鎮作俑他鎮濫觴是

祖

制且漸減盡也卽不得已或於舊餉原額之外量加此須以示鼓舞則恩不廢法矣又查永平新兵七千九百一十一員名每歲額該本折餉銀一十七萬八千餘兩亦崇禎元年十一月內

奏報之額數也先是臣據道臣張春冊報招募新兵七千二百三十九員名方謂尚未踰額續據

管糧同知李雲衢冊報增至一萬一千有奇
云匡永管現在召募務足一萬之數何茫無附
岸也永平雖近邊陲猶然腹裏與薊密固同一
體前昌平餉擬開寧屢奉

明旨以爲不可着臣部確議今言鎮兵丁有食至一
兩六錢者道丁有至一兩八錢者馬料草拆有
至一兩三四錢者比照開寧毫無差等較薊密
殆又倍之當奴虜盤據境內該道志在滅奴或
不惜厚餉以示招徠事定仍當中明臣部呈請

督撫立爲定則而後可今給餉溢額恐未可據
爲定例也版築已興邊防漸固薊之城守自當
盡撤而尚月支城守燈油銀八十三兩零又似
無名之費也至於各營名色等官舊例應領粟
米而亦溷支粳米永平道書吏名數太多工食
吏領俱取足正餉似亦承平時舊例所不載者
加銜叅遊官廩過厚了無限制何所底極似此
種種冒破亟當裁革而不得曲徇情面者也揆
其繇來總以經制未定可任意而加增而經制

之定則督撫及道臣事矣合無責令督撫道臣
同心合力叅新酌舊立爲經制兵馬錢糧務期
各有定額卽謂剋永卑薄當厚集銳師亦須定
兵馬錢糧額數以爲截然不易之規計兵授餉
無令太溢而舊兵缺伍者不妨於舊餉之中稍
爲通融量從優厚則人自不舍舊而趨新而新
舊營伍之

舊制可漸復矣斯誠今日之急務臣部所爲蒿目而
望者也若夫開寧二鎮表崇煥亦定有經制但

無馬而開空月之馬乾步兵而食馬兵之厚餉
所費不貲總屬亂政今閣部以元老而坐鎮嚴
關旌旗一新亦當另立經制清冊稍祛關寧之
浮以補薊永之匱俾臣部有所遵守各鎮有所
倣倣則便計也伏乞

勅下閣部督撫衙門各定經制具

題一體遵奉施行

崇禎三年九月十一日具

題九月十五日奉

聖旨據奏薊鎮新兵增至一倍邊化補伍舊兵俱
新兵食餉永平招募滋額道廳冊報互殊且兵馬
糧料厚比開寧官役廩食允冒無節若不立爲經
制任意增加濫觴何極又開寧馬乾步餉所費不
貲俱應酌處着卽行樞督撫衙門速將該鎮兵馬
錢糧叅酌新舊裒益多寡確定額數具奏總期兵
有實伍餉無虛糜如墨弁猾胥不便侵漁藉口裁
汰訛言惑衆者卽以軍法從事該衙門知道欽此

題議關末薊密預買草束疏

題爲及時預買草束以備軍儲事專理新餉山東
清吏司案呈奉本部送准閣部孫承宗咨前事
據關內道副使王楫呈蒙本閣部批據山海餉
司刁化神呈據海運通判施王政呈稱關門兵
馬征調不常糧料固所當備秣馬尤爲喫緊呈
乞查照舊例召買穀草一百萬束俯賜題

請給價或動缺額乾銀及時召買以備冬春支給等
因蒙批兵馬雲集豈得以折失計關內道卽酌

計馬數以便咨題蒙此隨該本道移會平遠縣酌計商確馬以六千匹爲率計馬備草則見在及將來新馬搜馬或足備用等因到道轉呈前來看得榆關彈丸一區所需穀草有銀無買之地是以節年派之州縣遠輸以供詞秣自去年槩與折給冬春一遇虜患而寸莖絕賣於是馬匹紛紛餓斃無已而搜之關外括之前鋒數百里外貴買遠運此已事之鑑也今歲虜情仍急軍興愈繁草束必不可無買據議姑以六千匹

計十一月以至三月五箇月仍給本色關內約
該買草一百萬束而援兵行草亦在其中此軍
與第一急務委宜及時召買以資飽騰也惟興
貴部查照往年舊例速發一百萬束草價來關
趁此秋成分發召買庶雲錦騰驤銜鋒足恃等
因又准閣部咨據永平道右叅議張春呈稱祖
鎮官兵四箇月行糧除米豆聽津門截留轉運
外其行草乃軍前飼秣喫緊之需呈乞移咨內
部發銀行令州縣作速收買以備冬春之用據

此查得在永馬四千五百八十五匹應於額
關外草乾銀內如數扣留四箇月解永鎮餉司
及時召買或給本給折一聽其便關外餉司查
已在永馬匹草乾料豆不得兩處重支等因移
咨到部奉批新餉司查議具題送司爲照草束
戰馬急需召買勢不容緩相應具題案呈到部
該臣等看得士飽馬騰兵家並重自古記之關
薊兵馬若糧若豆或取足海運或設法召買業
有成議惟是草體輕浮轉輸遠方所費不貲非

附近召買萬萬不可臣部先已馳檄各鎮餉司
爲預儲本色之計而閤部又以容移會矣憶昔
開寧無事停召買草束爲改折今且秣馬待虜
當取辦於先時計關門養馬以六千匹爲額草
以五月爲額共需草一百萬束約計時估可得
銀三萬兩及查遼撫丘禾嘉疏山海現在馬匹
不滿二千卽後有買補并一切援兵馬草俱於
此取給則以百萬爲額不啻足矣又查山海經
制草乾雖最多者每日不過三分今茲買草價

值亦似不得踰於三分之一外大都此項銀兩
於該鎮馬乾項下動支今宜責成山海餉司及
該道督率管關海運二廳與撫寧昌黎二縣設
法收買而無容他議者也祖帥駐永防守既支
本色於永平自不得復支折色於山海其馬以
四千五百匹爲額草以四月爲額共需草五十
五萬束亟宜責成管餉府廳及督同盧龍樂亭
二縣趁此秋成發價收買預貯於永亦便計也
至於薊州援兵雲集浩費無算目今青草遍野

各兵固樂折給俟萬卉凋殘咸環集而索本色
卽欲倍折不能矣該餉司何不深長思也昨議
召買米豆薊州遵化業已免派今二地雖云蹂
躪而雨暘頗時草束似亦易辦合無議於薊州
召買草一百二十萬束行令餉司蔣範化與推
官屈宜揚薊州知州陸方裕任之遵化買草三
十萬束行令遵化縣知縣郭煥鼎任之兩平收
買存貯二處以供援兵之用其豐潤玉田三河
寶坻平谷俱可買草亦各買十萬束共五十萬

收貯本城轉運薊鎮應用毋派買平民以避
擾毋假手奸商以長虛冒價銀貴賤大約以三
分內外爲率文到各取時估申報所須價值餉
司隨便那湊臣部陸續給發酌地遠近招徠蓄
積是在良有司加之意耳收過草束餉司兵道
細加稽查每十日一次報部存案查考毋得虛
出實收其現在支放者非照例折支則另項給
發不得隨買隨放無可稽查如有冒破等弊并
稽遲不完者司道州縣從重叅處草束自奉

而飽騰有賴矣既經閣部咨會前來相應題

請恭候

命下臣部移文閣部督撫并劄各該兵道餉司遵奉
施行

崇禎三年九月十五日具

題本月十八日奉

聖旨這關來薊密草束依議著各該司道府廳州縣
如數召買餉司一面那發價銀該部速行解給務
要收支清楚不得混冒稽延該衙門知道欽此

覆兵部議關寧贖銀買馬疏

題爲恭報到任日期併陳兵馬數目仰祈

聖鑒事專理新餉山東清吏司案呈崇禎三年九月初三日奉本部送戶科抄出兵部尚書梁廷棟題關寧兵馬缺額等緣繇本年八月二十九日奉

聖旨關寧兵馬缺額數多亟須買補以資恢復據奏欲緩募兵以急買馬計馬缺至三萬兵缺至二萬三千有餘節齎虛曠并汰兵月糧自足應用豈待

緩募半年始可通融着戶部卽將前項銀兩查
問寺僧欠不得爭執撥回緩募遼兵俟秋防後
議依議行欽此欽遵抄出到部送司相應具履
呈到部該臣等看得給餉買馬各有職掌缺餉
責臣部缺馬責因寺不待爭之而明也今查關
寧重地兵缺至二萬三千有奇自應陸續召補
馬騾缺至三萬此自因寺事原無所謂馬乾買
馬之說也卽有空月兵餉草料銀兩例應照數
按月清查報部還官此各鎮相沿之定例也

寧空月馬乾之數創于永崇煥臣部初亦謂其
卽能滅奴姑不爭執以鼓恢復之志不虞荏苒
經年而馬匹尚未完馬乾尚日支也今新撫丘
禾嘉仍執舊說秦討馬乾以脩買馬之用及查
此項銀兩臣部屢經具題已奉

明旨充餉卽頃于八月二十七日臣部覆遼撫丘禾
嘉疏奉

聖旨王弘化兵旣經兵部酌議着卽于寧鎮開餉不
必東江扣抵其所缺額餉如數作速措發勿得再

延空月馬乾奉旨裁革知道了欽此臣部自奉
旨後履行關寧申飭亦已改作正餉矣關寧之月餉
尚有壓欠而新餉之外解漸已稀少原欲藉關
寧之有餘以補薊永之不足若執舊例以爲額
而取其贏以市馬于關寧則得矣如薊永之軍
與何哉且兵部原題驛遞節省銀兩每歲以二
萬爲遼東買馬已奉

俞旨卽謂前銀尚少不敷買馬之用而驛遞之節省
固未嘗不可以量增也兵部覆疏欲緩募缺馬

半年以爲買馬之用夫立知馬乾之裁革已
欽依王言無反汗之理不得已而出于此耳乃

聖旨又謂節嗇虛曠并汰兵月糧自足應用着戶部
卽將前項銀兩查抵閤寺舊欠夫所謂前項銀
兩者除遼撫所請馬乾外止有兵部所請缺額
兵餉一節夫空月錢糧盡數還官則又營伍定
制從來已久摠皆臣部正餉之數也第念莫非
王事臣部不敢固執以煩

聖慮合無姑將清查過缺兵缺馬餘羨銀兩量分

萬以供買馬之用是于萬難措處之中委
融而臣部之以餉代問者亦可謂竭盡心力
近據巡關御史張學周巡歷奏報一揭內稱
馬兵舊例每月一兩六錢今缺馬甚多而舊
舊額似屬浮費應于每月省去二錢俟有馬
日再行給發果如其言所裁亦復不貲若扣
兵之銀另項收貯以充買馬之用則于臣部
損而于馬兵有益是亦可行也惟在督撫
調劑軍情使其帖服無譁已耳嗟乎臣之所

爲遼鎮買馬謀者計止此矣乃若臣部措餉之苦誰則知之宵旦而營錙銖而筭醫瘡剝肉支西吾本等職業猶有窘匱之虞又何能少爲代辦之需乎且元年袁崇煥以買馬借臣撫賞銀十三萬兩致缺賞額臣部業已代償其二年關內外自正月至九月止共扣銀二十萬六十四兩已經分給買馬用矣何莫而非臣部之銀也何莫而不可抵厠寺之借也昔當無事之時而借厠寺之銀以充餉今當多事之時

而扣正餉之銀以還同恐非臣部所能辦
乞

勅下臣部移文關寧餉司速查節曠兵馬糧草等項
五萬兩就便扣發買馬無馬馬兵每月扣除
糧二錢亦行買馬仍聽督撫妥議舉行其餘
切馬乾節曠銀兩仍作臣部正餉支銷俾臣
得專力措餉而毋爲代辦所苦軍餉幸甚臣
幸甚臣等可任懇切待

命之至

崇禎三年九月十七日具

題本月二十一日奉

聖旨這奏內節曠羨銀扣發五萬兩并暫裁無馬兵
糧每月二錢以充買馬之用既經該部酌妥便移
文關寧餉司遵行欽此

題議邊鎮造報餉冊規則疏

題爲按月

奏報宜核其原給發錢糧宜究其歸乞

勅各鎮徹底清筭以重軍儲事新餉邊餉二司案呈
奉本部送據薊州餉司主事蔣範化永平管餉
同知加銜員外郎李雲衢支放錢糧文冊批司
磨筭間查得官兵馬匹各有數目月日支銷則
例分別先後多寡應扣應補欸項宜悉如永平
支放七八月文冊多有摠數而無撒數者有銀

兩數目而無兵馬數目者有一營而兩處分領者開載未清無錄銷筭又查薊州七月放餉文冊有現月而找補前月者有同一營伍而支數先少後多者然摠皆流水支放之冊而非以兵合餉之清冊也關寧昔年亦有逐月支放簡明冊報部後乃遲至兩三月之後亦漸涉混淆矣據遼撫丘禾嘉恭報到任日期疏內開稱關寧兵缺至二萬三千有奇馬騾缺至三萬夫兵馬之缺少數有多寡日有先後此中開除扣存最

難清楚至如燕建山石四路舊兵將從前壓欠
盡數支領重冒之弊夫豈無之今奉有按月奏
報之

旨勢難延緩及查關寧薊永四鎮錢糧多係正月給
發卽應從正月起筭至八月終止將發給過銀
兩支銷過數目逐月造冊徹底清筭庶向後按
月報冊自有把柄磨勘而先後那移等弊可種
種立見無俟射覆之苦矣除另頒冊式責令各
鎮攢造外又恐餉司泄泄從事難免

聖明切責相應具題申飭等因到部看得理財之道
在量入以制出今軍興溢額不能禁其不出而
出貴有制則稽查餉司清筭錢糧乃臣部職掌
也頃奉

明旨按月

奏報然非逐月截筭徹底稽核而徒據一二月之
奏報不清其源猶弗清耳去冬虜薄

都城轉運不前以故各鎮措發多以新正爲始若
以收放大數而論則流水冊固所必需至于各

鎮各管銷筭亦自不同遵未當失陷之後兵多
非舊則兵馬之著伍者應有先後多寡之殊各
管或本月現支或次月補支亦須明註本月之
下若前後捧扯則莫可端倪矣至于援兵尤易
混淆調防不一方領于此而忽復領于彼本是
一營倏分二地但以到彼實在之日爲準其間
兵有逃亡馬有倒死俱應扣除明白卽註某月
之下關寧近報陣傷兵馬頗多則日月起止尤
不可不詳開者也如月餉本折等項各兵原有

應得則例亦須註明以便查對如永平糧兵
欠乘大亂後而填找于一朝謂無影射冒支之
弊恐未易信臣愚竊謂計新收之餉以覈支
之數則流水收放揆順月日分別管收除在之
冊不可不造也各營俱有逃亡事故之兵馬或
有找支以前之欠餉時日不齊掛漏難免則註
兵給餉新舊入援分別先後多寡之冊又不可
不造也請令關寧薊永各鎮除新正以前免造
外自正月起至八月止各造逐月流水支放冊

一帙再造各營計兵給餉冊一帙此冊所有彼冊不得獨無或以經之或以緯之借流水冊以覈收放之盈縮借營伍冊以覈士馬之虛實則入多出少之弊自絕而冒領重支之事亦清矣餉司造冊完日一面呈送臣部一面移送督撫復覈明確另摘簡要數目具疏請

旨下部題覆卽未經申飭以前支放數目不無零星參差疎密互異但求大數符合而止要以從前之頭緒旣清向後之規條自定此正

聖明所謂條列規則而提綱挈領之道也今議新
勘永冊限九月終關寧冊限十月中務要如期
報到再有遲緩違限者將該餉司先行任俸吏
書提問正罪有呼卽應庶獲清楚錄此而查覈
舊餉繇勘密永昌易以及宣大延寧鞏固等鎮
處處銷筭俱照前二項流水收放冊與各營給
餉冊一體造報互爲稽查亦自正月起至八月
終止勘密永昌易宣大限十月報到延寧鞏固
限十一月中報到以後自九月起每月新舊

餉俱照今例造冊著實清覈銷筭人心有不
悚弊竇有不敗露者鮮矣伏乞

勅下各鎮督撫餉司一體遵奉施行

崇禎三年九月十八日具

題本月二十一日奉

聖旨餉司文冊開載不清便是弊端從前頭緒既清
向後規條自定說得是所奏自今年正月爲始新
舊二餉俱照式造流水支放及計兵給餉冊各一
帙勒限送部以便磨對如議著實申飭行有開註

混淆及違限延玩の官胥一體罰治欽此

祖

初覆加派事宜疏

題爲恭進九邊圖考乞

勅發戶部與臣部悉心講求以復

宗舊章事專理新餉山東清吏司案呈崇禎三年八月二十六日奉本部送戶科抄出兵部尚書梁廷棟題議前事本年八月二十三日奉

聖旨兵餉相須實則俱實但在幹濟得人清釐有法若虛冒相仍彼此互諉雖竭物力難塞漏卮卿憂國深衷願與戶部悉心講求至直抉民窮之源繇

於貪官尤切中時弊今後外吏誅求責在撫按
內餽遺責在巡城御史著恪遵屢旨嚴行禁戢如
容隱不舉別有覺察一體並重典其復

祖制及加派應否事宜卽同戶部從長確酌具奏欽此
欽遵具覆間又奉本部送戶科抄出該本部題
爲虜患方殷財匱可虞乞

勅廷臣從長集議蚤爲設處以勿誤軍興事等因奉
年九月十二日奉

聖旨軍興煩費新餉不繼臣子誼當急公楚蜀二

屢奉明旨何得藉口善後仍復玩延并南都事例銀兩及各省直捐助優免等項俱限歲前通完自行回奏如誤急需叅來重處該科記着其生員優免扣解定以三年爲始已免過的不許混徵更滋煩擾開節大計該部還從長商議毋得但思移舊抵新支吾塞責欽此欽遵通抄到部送司相應具覆案呈到部該臣等會同太子少保兵部尚書梁廷棟都察院右都御史管左侍郎事王之采右侍郎郭尚賓覆議無異看得奴難興而加派

起計每畝九釐歲入約以四百餘萬有奇漕輸
遼左不意恢復未成而且日岌岌也自頃醜虜
內犯變出意外徵調煩興經費不貲臣於今春
亦曾有加派之說我

皇上其難其慎着令酌議而臣部未敢再請者妄意
天厭奴惡一朝殲滅方且盡行免派以與天下更始
而不料邊防在在可虞供億日日愈增瓶罍空
耻中竭堪憂不第臣心血已枯計無所出卽

聖慮必飭

天語諄懇命臣以講求開節大端蓋洞鑒軍興之溢額而爲寬然有餘之計矣夫清查虛冒稽核弊蠹臣部見在申飭舉行而所謂開財大端誠難言之說者或欲開礦而臣竊慮得不償失仍聚羣不逞之徒以釀亂也或欲加稅而今關稅已增加無可加誠恐商賈罷市不樂出其塗也至於間架門攤布疋等項均屬苛細苟且之政糴糶雜糧權衡子母又鮮實心任事之人爲今之計求其積少成多衆擎易舉隨取隨足無徒支

吾於目前最整最捷無煩搜括於錙銖再四
之無踰加派一策不謂樞部借箸而畫先得我
心之所同然也臣查自有遼事以來加派繇七
釐而增至九釐人皆欣然終事卽別項有拖欠
而加派獨先完總以率土同仇人心實有不約
而同者今按宇內地土照每畝九釐再加三分
之一約計浙江原額四十二萬二百七十二兩
八錢四分零今應加一十四萬九千九百九
分七厘四毫三絲江西原額三十六萬一千五

十六兩一錢四分三釐九毫九絲今應加一十
二萬三百四十五兩三錢八分一釐二毫八絲
福建原額一十二萬八百二兩五錢六釐今應
加四萬二百六十七兩五錢二釐一毫六絲河
南原額六十六萬七千四百二十一兩五錢六
分八釐今應加二十二萬二千四百七十三兩
八錢五分六釐山東原額五十五萬五千七百
五十一兩九錢七分三釐二毫四絲一忽今應
加一十八萬五千二百五十一兩六錢五分七厘

七毫山西原額三十一萬八千五百八十九兩
六錢一分四釐五毫三絲今應加一十萬六千
一百九十六兩五錢三分八釐一毫七絲六忽
二微陝西原額二十六萬三千六百三十一兩
四錢六分五釐今應加八萬七千八百七十七
兩一錢五分五釐廣東原額二十三萬一千一
百七十八兩六錢二分三釐今應加七萬七千
五十九兩五錢四分一釐廣西原額六萬九千
一十七兩三錢五分今應加二萬三百五十九兩

錢八分三釐三毫三絲三忽湖廣原額六十五萬二千四百七十八兩一錢六分三釐內因本省節年減少一十三萬六千四百一兩二錢止解部并留黔餉共五十一萬六千七十四兩九錢六分三釐今應加一十七萬二千二十四兩九錢六分二釐四川原額一十二萬一千三百三十八兩九錢五釐今應加四萬四百四十六兩三錢一釐六毫六絲六忽應天撫屬原額三十八萬一千八百三十五兩三錢九釐八毫六

絲四忽今應加一十二萬七千二百七十八兩
四錢三分六釐六毫二絲一忽三微三纖鳳凰
撫屬原額二十七萬六千八百八十六兩二錢
二分九釐三毫一絲今應加九萬二千二百九
十五兩四錢九釐七毫七絲北直延慶保安二
州原額一千二百二十七兩七錢三分五釐九
毫今應加四百九兩二錢四分五釐三毫以上
總共加銀一百四十三萬二千三百二十一兩
有奇查臣春月原疏有云加派一事雖云民

不堪然貧富難齊其有恒產者皆有身家者也
其田多而賦重者必富民也又甚則鄉紳也似
加派之取於民也爲有據而輸於

國也爲得均加派之取於民也爲數約而禪於

國也爲甚大臣今與樞臣造膝而謀所議亦猶是
耳省直加派有論畝者有照石者各仍其舊不
必紛更但其中有地方疲瘠素難完納如南直
桃源清河等處陝西延安等處前此州縣等官
甘心叅罰而不能完寧有餘力以待加乎文到

合聽撫按勘實酌議具奏或通與免派或量減
一半以明

聖恩之曲體以普

皇仁之流注大都斟酌調劑去泰去甚每省直不過
數處亦且有全無者更不得曲徇市德以滋煩
擾蓋節年州縣完欠臣部具有案冊可查誠不
宜借口災疲而槩希巧脫也至於北直八府向以
畿輔重地奉

旨蠲免久荷寬政今除順永二府新罹虜患當從優

卹外其餘保河六府目擊剥膚之災均有纓冠
之義今或每畝量加六釐較之別省減免一倍
歲可得銀二十二萬三千餘兩以少佐召買之
不足而克軍興之儲恃亦均平之一法也嗟乎
虜氛尚熾備禦未有止期軍儲莫供增派萬非
得已撫按衙門亟宜通行曉諭榜示通衢若就
中有豪橫之家奸宄之徒惡其害已而以虛聲
悚動愚民者仍當嚴加禁戢盡法重治一二年
後事寧之日卽行停止其徵收銀兩約以崇禎

四年爲始則小民共喻

上意共象

上指自不稱厲已矣善哉樞臣之言曰貪風一止則
再加派數釐而民之懽悅猶故也今後務在嚴
勅墨吏痛革火耗而

輦轂之下又先正本清源爲外吏標表以誅求
之閭閻而以此須供之軍

國謂有隔碍而難行者未之聞也臣愚持籌無策
真見夫今日時勢舍此別無開財大端臣與樞

臣謀議僉同願

皇上獨斷而力行焉無徒爲築舍之議可也伏惟
聖明裁督施行臣等可任激切待

命之至

崇禎三年九月十八日具

題本月二十二日奉

聖旨錢糧加派一項該部曾有條陳朕實軫念民艱
未忍催征太甚據奏人有恒產誼自急公不妨則
壤增科已與樞臣酌定但梁廷棟前疏意在怨食

清額國用自饒倘賦加而食更仍復誅求舊額
然混冒恐軍興無濟民困轉深慮始宜詳衆思
集還着與九卿科道公議妥確具奏本內采字錯
寫改正行該衙門知道欽此

題催省直正襍新餉銀兩疏

題爲時迫徵解不前勢急疾呼不應伏乞

聖明重違限之罰嚴責成之典以懲積玩以甦邊困
事專理新餉山東清吏司案呈到部竊照士馬
飽騰悉以臣部糧糗爲丹青而本折供億尤以
省直灌輸爲性命是如期而發者必先如期而
至當此軍興浩費左支右吾臣部望眼已穿而
無奈有司之裒如充耳也臣於五月間具有用
餉頭緒愈紛一疏蓋已知京卿報

命之後將有不繼之憂矣奉

聖旨歲解餉銀責在有司各該撫按嚴限責成自應及額京卿係暫遣不必議留以後催徵如有延悞經管官必罪不宥欽此又於七月間復有軍餉經用毘奢一疏竊慮內外諸臣漠不相關而不得不專責成撫按矣奉

聖旨新餉責成撫按鹽課責成鹽臣務要如數催完俾限回奏有司怠緩來罰治關稅該部自行考核以依議行欽此欽遵夫

天語煌煌

天威凜凜欽承之下當不知如何敦促無俟臣言之
強聒也今九月過半外解中斷庫藏塵封而各
鎮之餉按月應發者束手而不能辦矣豈以臣
部未有定限乎查前疏定有限期除山西廣西
不開外如山東河南陝西俱限八月終全完南
直浙江福建江西湖廣廣東四川俱限十月終
全完迄今已屆自行回

奏之期矣加派雜項未完者如浙江未完五十八

萬四千九百四十四兩內除帶買遼米約用
萬一千四百兩實欠五十二萬三千五百四十
四兩江西未完三十八萬七千七百三十七兩
零內除帶買遼米約用五萬八千九百九十五
兩實欠三十二萬八千七百四十二兩福建未
完雜項四萬一千一百五十五兩零河南未完
二十四萬七千八百八十四兩零山東未完
十八萬六千八十兩零內除應發島餉九萬五
千二百兩實欠九萬八百八十兩陝西未完

十三萬七千五十七兩零廣東未完雜項五萬
五千六百七十二兩零應安徽寧池太廬鳳陽
和廣德十一府州未完二十九萬一千六百六
十八兩零內除帶買遼米約用五萬一千三百
五兩零實欠二十四萬五百六十三兩零蘇松
常鎮淮揚徐州七府州未完四十四萬七千八
百八十七兩零內除帶買遼米約用一十七萬
九千九十八兩零實欠二十六萬八千七百八
十九兩零湖廣應解部新餉二十七萬八千兩

四川應解部新餉一十二萬一千三百三十五兩零至今分毫未解總而計之尚該二百四十三萬三千六百一十四兩有奇果徵收在庫即起解在途耶抑有司頑冥而不肯奉令耶無庸奉有承催之責業已屆期何未見以片語入告也邇來因循積習沉錮膏肓人心視臣部之立限叅罰如同故紙見戲而莫可誰何今日司府差諸臣除廣東布政使陸問禮山西布政使龔嗣美二人外未如期報完者繇其一片精神

別有繫注別有肺腸不過謂法窮於降罰而弗肯爲軍

國起見也撫按爲

聖天子股肱耳目亦當仰體

皇上焦勞力整泄泄之風慎勿市恩曲庇藉口於民窮財盡以免叅罰今後錢糧不完者其罪雖在有司恐撫按亦不能脫然於是非之外也省直司府官員於回

奏日除降罰外擇其玩愒之尤者繩以重典永罷

不敘是亦法紀所不貸者也今時迫勢急
不得不大聲而疾呼矣與其扶同不言而甘
斧鉞之誅若果帑藏充積邊疆有賴臣卽犯斧
之衆怒而有所不顧也伏乞

勅下各省直藩司務照原限盡行徵解違者承催無
按官聽自回

奏以憑

聖裁仍行都察院一體申飭遵奉施行

崇禎三年九月二十日具

題本月二十三日奉

聖旨道省直加派襍項欠至二百四十萬有奇軍興
繁費豈堪玩視若此著各該撫按勒限催解仍自
行回奏違者必治不宥欽此

題借輕賁漕折銀兩疏

題爲外解中斷堪憂按月發餉難緩伏乞

皇上俯憐萬不容已之情暫准通融在庫銀兩以濟
急需事專理新餉山東清吏司案呈到部竊照
軍興以來一切正額雜用俱取足於新餉數月
間左支右吾不至中斷者皆賴我

皇上督責之切京卿承催之力也頃八月內外解到
臣部者尚三四十萬九月至今入庫不滿十餘
萬隨發隨盡庫藏塵封發無可發而援兵之布

花關寧獻密之月餉奉

旨措發曾不能以少裨念此雪屯塞上者一日不
食則饑而速戍之憂安可令動祁寒之嗟抱
索之感也九月已盡殍不及時恐臣等之肉不
足以飽三軍矣臣前兩疏責成撫按司府昨奉
補牘上

聞業已舌敝唇焦疾呼而不應矣以啼饑號寒之
而迫於沃谿懸槽若猶束手而俟外解是何異
涸鮒而望救西江豈能禪於緩急之數也查臣

部從前亦有外解不到邊事緊急者酌兩通
餘互相通融俟後補還近遵奉

明旨不許那借滋弊臣等敢不遵依惟是時迫勢
難以再俟查太倉庫貯尚有輕資銀三十七萬
兩漕折銀一十二萬兩或於輕資暫借二十萬
分發月餉鹽菜漕折借四萬兩以爲冬衣布衣
之需不爽給發之期是於萬不得已之中那
濟急借有餘補不足一通融間軍民兩利諒
聖仁所不靳也臣部曾題預徵新餉三分一疏

省直官員於人

覲日自行帶解此頂原係現徵與拖欠者不同
卽先照數補還太倉仍於完日具奏上

聞決不敢溷淆以取罪戾耳竊思今日受病之邦
率承催諸臣藉易完者以表其急公之忱而
難完者不過以叅罰了事而未見其設法措
故正餉容有透解而襍項未免短少職此故
目今京卿承催已屆復

命之期地方未免漸懈加以秋圖事殷藩司今

半入場遂坐致寢閣如此頃臣部題奉

明旨撫按俱限十月回

奏不知當何詞以置對也伏乞

皇上俯念邊事喫緊暫准於輕齎漕折二項那借二
十四萬俟後補還仍責成京卿撫按一體依限
催解回

奏毋得延遲支吾庶三軍之飽騰有資而臣部之
緩急有賴矣既經該司案呈前來相應題

請恭候

命下臣部遵奉轉行各該衙門遵奉施行

崇禎三年九月二十三日具

題本月二十七日奉

聖旨錢糧一經那借便易混淆據奏餉解不前軍需
難緩准暫借太倉庫貯銀二十四萬兩應用卽嚴
催外解補還其催餉京卿并各該撫按俱着依限
自行回奏欽此

覆議閩省援兵餉額疏

題爲遵

旨調發入衛官兵以靖奴氛以紓

聖慮事專理新餉山東清吏司案呈崇禎三年九月初六日奉本部送戶科抄出福建巡撫熊文燦題前事等因本年九月初四日奉

聖旨援兵餉資本省况有堪動卽進之旨便當一面解發一面題請何得以空文遠道往返該部速與議覆仍著勒限解來欽此又該該撫奏爲率屬捐

助事奉

聖旨熊文煥率屬捐助知道了銀俟解到查收該部
援兵缺餉應否量畱抵補該部并與酌覆欽此欽
遵通抄到部送司相應議覆案呈到部該臣等
看得入援之旅原以手足衛頭目自不得以枝
葉剝根本在本省予以月糧鼓敵愾之氣在臣
部予以行糧鹽菜寬離索之思可謂得調停之
法矣今閩撫遵奉

明旨仰紓

聖慮其發兵之日一切行月糧銀俱於本省措處亦
稔知臣部之艱難矣奴氛一日未靖則遠戍一
日難還向後月糧自當預備惟是每兵日計八
分閭兵原來二千員名今已發回四百餘矣據
稱餉額月該銀五千六百餘兩或不須爾但各
兵原存該省月糧每月止銀一千六百三十六
兩不敷應用尚須奏給今遼餉旣不可以輕動
則賦役全書內裁省銀兩并驛遞節省前經兵
部題定以三年分銀兩聽臣部支用此二項者

似可稍爲通融以濟其窮矣再查閩兵間關千里跋涉遠地團撫通議給餉每日八分免支鹽菜雖非虛糜亦已從厚所當聽令該撫陸續解給無容再議者也至捐助一項臣部望之爲續命之膏不啻眼穿其地方有司及士民好義者尤當多方勸諭作速解進以濟然眉誠不得以他項開銷者耳臣近又接天津部院翟鳳翀咨稱浙兵自六月至今役過三月餉銀尚未給散各兵嗷嗷告討津部移咨浙撫亟催又差官往

催尚無起解消息欲令臣部借發萬金通融
濟夫浙撫急公勤

王該省入衛官兵月餉自應措辦源源而來無容節
擔於臣部也三月未解輒思那借豈以度支爲
金穴可到處供應而不竭乎至於川貴地處天
末轉輸難以促至其權宜暫借實萬非得已也
各省尤而劬之觀望不前如楚兵近亦借月餉
於臣部矣正額尚未能給寧有餘力以及其他
倘有脫巾各將誰諉所當併令浙湖二省撫臣

作速按數起解而不得延緩誤事者也除一
行文該省催解外相應覆

請恭候

命下臣部移文各該巡撫衙門遵奉施行

崇禎三年九月二十五日具

題本月二十七日奉

聖旨援兵月糧責在該省行糧責在該部已有前旨
今閩省議將賦役驛通二項節裁銀兩通融湊給
是否各省畫一可行每兵日給銀八分是否併給

糧在內還著明白奏來其捐助銀兩勒限催辦不
許輕議開銷楚浙月餉卽行該撫照數如期解解
不得延悞責有所歸欽此

覆遼左皮襖銀兩分認疏

題爲備陳遼左冬衣往例仰候

聖裁以遵成憲事專理新餉山東清吏司案呈崇禎
二年十一月初一日奉本部送戶科抄出前任
工部尚書張鳳翔題前事等因十月二十六日
奉

聖旨覽奏皮襖銀兩那借給發具見權宜濟急遼鎮
冬衣會典計錄例屬戶部以後還查照經制行該
部知道欽此欽遵抄出到部送司案呈到部該臣

等案查皮襖一項天啓二年經畧王在晉題
請冬衣銀兩臣部覆疏云撫臣王化貞曾給有皮襖
皆係兵部犒賞銀支用查軍裝皮襖等項隸在
工部原與臣部無與嗣後閣部孫承宗歷閱三
年該處皮襖並未取給於臣部止天啓六年奉
有

大工正急豈能措處還着戶兵兩部那發之

旨臣部不得已權認五萬兩原疏云爲

大工非爲皮襖爲

朝廷非爲工部維時正恐據以爲例卽具疏題明奉
熹宗皇帝聖旨這措處皮襖銀五萬兩具見委曲急
公俟三殿告成此項仍歸工部欽遵在案天啓七
年工部復以皮襖誘之臣部臣部卽具疏題明
奉

熹宗皇帝聖旨皮襖銀兩係邊士禦寒急需着工部
措發已有旨了該部知道欽遵在案是

先帝明知皮襖之隸工部也崇禎元年工部又復以
皮襖誘之臣部該臣部疏稱皮襖銀兩昔因

三殿而通融原非成例臣部無從設處等因奉
聖旨戶部正餉緊急這皮襖銀着工部遵照舊例從
速措發時已追寒不得延換取罪欽此是皮襖之
屬工部者又已上達我

皇上洞鑒中矣去年八月該袁崇煥以新餉樽節後
或有贏餘遵例乞

恩給發皮襖一疏內稱皮襖銀兩向給之工部今工
部爲造甲造器尚無所出臣又急於求成等因
意欲臣部代措以濟工部之急是崇煥明道

襖屬工部而姑爲權宜借資之請奉有督師節
餉數多着依所請戶部撥措若干以佐工部不
給之

旨蓋欲以臣部之羨餘補工部之不足耳及臣部以
實無贏餘根繇詳疏入

告奉

聖旨兩部事體原宜共濟既奏該部新餉尚無贏餘
這皮襖銀兩還着兩部酌議措發該部知道欽此

臣部仰體

聖懷不得已權于工部應發皮襖銀兩內認解一半

題奉

聖旨皮襖銀兩認解一半具見共濟之誼卽着先後解發新餉原無贏餘知道了欽此是

皇上明知皮襖之屬工部而新餉之無贏餘也此歷年來皮襖責成工部之成案也祇以表崇煥藉口節省之說令臣部分任而工部遂卸擔於臣部矣查今春臣部題定工部分餉十四萬奉有明旨此案而工部徑自題

請又增六萬遂以二十萬爲率矣使如十四萬之議
留此六萬何難爲工部分任皮襖之事而無如
其堅執何也目今天氣漸寒我

皇上軫念征人思流挾纊倘不仰體

德意彼此爭執互相推諉如封疆之事何臣部卽當
此匱竭不能支撐之時仍爲代認三萬兩以盡
相成之誼其餘乞

勅工部速行措處庶職掌分明而事有專屬諒新任
工臣必能爲

國家起見而不強臣部以舍已而耘人也相應
請恭候

命下臣部移文工部遵奉施行

崇禎三年九月二十五日具

題本月二十七日奉

聖旨遼左軍士冬衣兩部歷年爭執殊非事體今天
寒漸甚給發難遲該部認銀三萬是否定議還著
與工部速行商酌確立成規限三月內合疏具奏
毋得推諉稽延該部知道欽此

覆登兵月餉增額疏

題爲東省隱憂獨深增兵設防宜早議條議兵食
乞

聖明歸還額餉以資招募以期保障事專理新餉山東清吏司案呈崇禎三年八月二十一日奉本部送戶科抄出本部題覆前事等因本年八月十九日奉

聖旨據奏登兵月餉原額七萬新增四萬又云增至十二萬有奇計數何不相符兵貴實練餉無虛糜

兩者原自相成凡增兵事宜還與兵部商量酌覆欽此欽遵抄出到部送司當卽呈堂移咨兵部酌議去後隨該兵部咨稱登鎮官兵前奉崇煥裁定三千六百七十員名近准戶部咨會本部如議酌確增兵二千以復武巡撫舊額增餉四萬業經具題覆奉

明旨無可增減矣尋味

新旨則此二千在實練之數不在虛糜之數也等因到部送司案呈到部查得登萊官兵先據登萊

武之望裁定官兵五千六百八十三員名馬騾
四百二十七匹共定餉銀十二萬一千七百五
十兩九錢一分此天啓五年所定之舊額也續
該袁崇煥裁定官兵三千六百七十員名馬六
百七匹歲支餉銀八萬二千八百四十兩八錢
此崇禎元年十二月內題定之額也頃該山東
巡撫沈珣具題該兵部移會臣部酌議兵增二
千餉增四萬以復武巡撫原定舊額所以餉增
至十二萬有奇也業該兵部題奉

明旨再咨臣部而後具覆以完積案而非臣部所敢
臆定者也又昨臣部疏內所云舊額遼餉民運
向以七萬充登餉者此非臣部之言也據撫臣
沈珣疏云民運十三萬旣以七萬餉登兵其六
萬應還東省臣姑就其言而折衷之其實經制
所定之額以八萬二千爲率加以新增四萬是
以有十二萬之說而非登餉原止七萬也今復
遵

旨移會樞部商確回云增兵二千在實練之數不在

虛糜之數則餉額十二萬有奇自不敢不如數
給發以供新撫之張皇矣既經會查前來相應
題

請恭候

命下臣部移文各該衙門遵奉施行

崇禎三年九月二十七日具

題十月初一日奉

聖旨登餉增額既經酌定依議行該衙門知道欽此

題請註銷天津切餉前件疏

題爲兵餉至通被劫事專理新餉山東清吏司案
呈崇禎二年十二月二十八日奉本部送恭蒙
御前發下紅本該督餉御史沈猶龍題前事等因本
年十二月二十七日奉

聖旨劫餉果是官軍着該撫按確查速緝塩課兌抵
豆價近經議覆卽與速行該部知道欽此欽遵蒙
發到部送司遵卽呈堂咨行都察院及該撫按
作速查緝務期必獲去後今奉本部送准都察

院咨據順天巡按御史董羽宸呈據密雲道兵
備孫止孝呈稱行據通州管州事主事盧承業
申稱查得卑職自去年十一月十八日蒞任以
來該州地方自十三日侯摠兵領夷漢入州橫
行搶掠地方人民驚惶蒙保定府院解經傳驅
出城外侯摠兵兵分投劫掠其林文科銀鞘抵
州虜已至富河近州十里札營四門俱閉又解
前行遭逢搶劫彼一時或兵或虜尚未的確及
奉文行查當日載銀車戶李芝芳行拘到官

三研審據車戶李芝芳供稱芳於去年十一月十五日撥車裝天津銀鞘一萬三千七百餘兩覓車戶盧大趕出新城西門外梨園地面正遇夷丁三五百頭戴紅纓達帽各持弓箭鎗刀將軍攔住射死押車家丁三名殺死車夫盧大劫去前銀并車騾五頭將車遺下去訖又傳說是侯總兵夷丁今已逃潰無從緝捕今蒙前因擬合據實申覆緣繇到道據此看得劫餉殺掠的係侯總兵夷丁但今已潰回原籍無憑緝拿等

因呈覆到職據此看得津餉被劫於通正虜騎
跳梁之會人心震驚真假莫辨據車戶李老義
供稱所遇刦鞘俱屬夷丁頭戴紅纓達帽斯時
卽與夷何從認識侯總鎮夷丁亦係傳說今日
潰散矣又安得執而訊之履行查緝屢覆皆同
卽嚴加責成亦屬不了之局旣經該道查明脩
呈前來擬合同覆爲此脩錄呈乞移咨部科查
照施行等因到院移咨到部奉批司查具題奉
此相應具題案呈到部該臣等看得去冬逆奴

肆惡突犯邊城處處切震鄰之恐在在周防禦
之謀津門爲

畿輔咽喉兼以奉

命征調應援請發安家行糧不啻星火臣部敢不亟
行接濟以資飽騰是以于十一月初十日劃新
庫發銀一萬三千七百九十九兩給領餉官林
文科押解以供津門新兵月餉之用原以果軍
腹非謂資盜糧也不意銀抵通州覓車裝載出
門未遠而虜騎披猖已薄通郊矣侯世祿所統

夷丁適當潰散之時亦行劫掠之暴斯時城門
晝閉草木皆兵其夷丁之真贗又孰從而辨之
卽車戶李芝芳供稱亦屬影響疑似之語則被
劫之餉如同逝波而莫可問矣查舊例凡錢糧
有失者令地方官設法賠償惟是虜變倉卒是
時雖有援兵俱在城內守城應從寬政據該州
申稱失事在先到任在後尤難苛求者也姑與
註銷以清滯案可矣旣經院道查覆前來相應
具題恭候

命下臣部移文戶科註銷施行

崇禎三年九月二十七日具

題本年十月初八日奉

聖旨依議註銷欽此